

## Mid-Day Dogri News

14<sup>th</sup> January 2025

समे — 12:25

### PM-Mission Mausam

प्रधानमंत्री नरेन्द्र मोदी होरें आखेआ ऐ जे भारतीय मौसम विभाग दी पिछले 150 बरें दी यात्रा बड़ी शानदार ते गौरवमयी रेही ऐ ते पिछले 10एं बरें च इस क्षेत्र च होर दे तकनीकी ते ढांचागत विकास इसी इक नमें दर्जे पर पुंजाई दित्ता ऐ। मोदी होरें आखेआ जे अज्ज मोसम विभाग दी जानकारी भलेया स्टीक होंदी ऐ जेहदी मदद कन्नै कुदरती करोपिणं कारण होने आले जानी माली नुक्सान कोला अराम कन्नै बचेया जाई सकदा ऐ। प्रधानमंत्री नरेन्द्र मोदी होरें अज्ज नमीं दिल्ली च भारतीय मौसम विभाग दी स्थपना दे डेढ़ सौ बरे पूरे होने दे जप्न दरान “मिशन मौसम” दी शुरूआत कीती। इस मिशन दा मकसद मुख्यै गी हर मौसम दी चुनौती कन्नै निबड़ने लेई तैआर बनाना ऐ ते एहदे लेई मौसम सरबन्धी भलेयां अज्जै कल्लै दिणं तकनीकें कन्नै लैस तंत्र कायम कीता जा:रदा ऐ। इस मौके पर प्रधानमंत्री होर भारती मौसम विभाग दे 2047 लेई विजन डाकूमेंट गी बी जारी कीता। एहदे च मौसम सरबन्धी पेसनगोई ते होरने चीजें बारे व्यापक योजना शामिल न।



### Vice President

उपराष्ट्रपति जगदीप धनखड़ होरें आखेआ ऐ जे “इक राष्ट्र दे रूपै च भारत शांति, स्थिरता ते कुल संसारी विकास दा समर्थन करदा ऐ। नमीं दिल्ली च न्यूयार्क यूनिवर्सिटी दे विद्यार्थिणं ते अध्यापकें गी संबोधत करदे होई उनें आखेआ जे भारत दुनिया दा इक सांस्कृतिक केन्द्र ऐ। उनें इस गल्लै गी उजागर कीता ते भारत दी दो ट्रिलियन डॉलर दी अर्थबवस्था 8 प्रतिषत साब्वै वृद्धि कन्नै हून दूनी होई चुकी दी ऐ। उनें दस्सेआ जे भारत च एल्लै हा रोज विष्व स्तरै दा 14 किलोमीटर जरनैली सड़क ढांचा ते 6 किलोमीटर रेलवे लाईन बछाई जा:रदी ऐ। उनें इस गल्लै पर मान मसूस कीता जे भारत दुनिया दा सब्बने शा पराना ते जीवंत लोकतंत्र ऐ।



### Rajouri Deaths

सरकारी मैडिकल कालेज जम्मू च इक होर न्याणे ते जीएमसी राजौरी च इक बर्जुग दी मौत होई जाने कन्नै राजौरी दे कोटरंका दी बुद्धल तैहसील दे बडाहत ग्रां च कुसा संदिग्ध अनजान बमारी कारण मरने आलें दी गिनतरी 12 पुज्जी गई ऐ। बुद्धल च बने दे हालात गी दिक्खदे होई डिप्टी कमीशनर राजौरी अभिशेक शर्मा होरें आपूं स्थिति पर तक्क रखी दी ऐ। एडीसी कोटरंका दिल मीर होरें बी प्रभावत इलाके दा दौरा लाया। जिला प्रशासन दी हिदायतें हेठ सेहत विभाग दियां टीमां संपर्क च आए दे लोकें दी पड़ताल ते सैंपल किट्ठे करने दे कम्मे च तेजी कन्नै लग्गी दियां न। अजें तोड़ी कुल 272 सैंपल लेई लैते गे न।



### Makkar Sankranti

मकर संक्रांति दा ध्यार अज्ज मुखै दे बक्ख-बक्ख हिस्से च मनाया जा'रदा ऐ। अज्जै मगरा मौसम च बड्डा बदलाव औंदा ऐ ते दिन बड्डे होना शुरू होई जंदे न। इस ध्यार गी मुख दे बक्ख-बक्ख हिस्से च बक्ख-बक्ख नाएं कन्नै जानेआ जंदा ऐ। इसी तमिलनाडू च पोंगल, गुजरात च उत्तरायण, असम च भोगाली बिहू ते पच्छिम बंगाल च पौष संक्रांति दे तौर पर मनाया जंदा ऐ। जम्मू कश्मीर च बी लोक अज्जै दे रोज पवित्र नदिएं, सरोवरें च स्नान, मंदरै च विशेष पूजा अर्चना ते जग करै करदे न। डुंगर प्रांतै इस रोज मांए दी खिचड़ी खाने ते बंडने दा रिवाज ऐ।



### PM Greetings

प्रधानमंत्री नरेन्द्र मोदी होरें देषवासिएं गी मकर संक्रांति, पोंगल, गाघ बीहू ते उत्तरायण दी ममारकबाद ते शुभकामना दित्तियां न। इक सोषल मीडिया पोस्ट च मोदी होरें प्रार्थना कीती जे एह ध्यार सब्बने दे जीवने च कामयाबी, तरक्की ते खुषहाली लेइयै औन। उनेंमेद प्रगट कीता जे इनें ध्यारें नै समाज च सदभावना ते भाईचारे दा जज्बा होर मजबूत होग।



### Vaishno Devi Cave

अज्ज मकर संक्रांति दे मौके पर श्री माता वैष्णो देवी जी दे दरबार च परानी गुफा गी श्रद्धालुएं लेई खोलेआ गेआ ऐ। अज्ज बडलै दी आरती दे बाद खोली गेदी एह परानी गुफा मेद ऐ जे कोई इक म्हीने तगर खुल्ली दी रौहग जां जिच्चर श्रद्धालुएं दा रष परतियै नेई बधी जंदा। ध्यानजोग ऐ जे हर ब'रे मकर संक्रांति दे मौके पर इस प्राचीन गुफा गी श्रद्धालुएं लेई खोल्ली दित्ता जंदा ऐ। साल भर श्रद्धालुएंदे भारी रष कारण एह गुफा बंद गै रखी जंदी ऐ ते हर श्रद्धालु गी एह चाह रौहदा ऐ जे उसी पुरानी गुफा चा लंघियै माता दे दरबार च मत्था टेकने दा मौका थोए। अज्जै कोला कोई 4-5 दहाके पैहले लोक इससै गुफा राएं ओंदे जंदे हे ते मगरा बधदे रष गी दिक्खदे होई नमिएं गुफाएं दा निर्माण कीता गेआ हा। श्री माता वैष्णो देवी श्राइन बोर्ड नै हाल च गै प्राचीन गुफा दे ऑनलाइन दर्शनें दी बी सुविधा शुरू कीती ही।



### NET

कल होने आले यूजीसी एनईटी दे मतेयान गी अगड़ा पाई दित्ता गेआ ऐ। नमीं तरीक दी घोशणा मगरा कीती जाग। राष्ट्रीय परीक्षा अर्जेसी एनटीए दे इक ब्यानै च आखेआ ऐ जे 15 जनवरी गी पोंगल। मकर संक्रांति ते होर दुए ध्यार होने करी यूजीसी एनईटी दे मतेयान गी अगड़ा पाया गेआ ऐ। अर्जेसी नै अग्गे आखेआ ऐ जे 16 जनवरी गी होने आला मतेयान पैहले थमां तैह कार्यक्रम दे मूजब गै आयोजित कीता जाग।



### Kho Kho

खो खो विष्व कप च भारत नै नमीं दिल्ली च रातीं खेड्डे गेदे गुप-ए दे मकाबले च नेपाल गी 42-37 कन्नै हराइयै अपने अभियान दी शुरूआत कीती।

